

中阿含經

第五十七

二百六十五  
似七

49404



中阿含經卷第五十七

東晉罽賓三藏瞿曇僧伽提婆譯

晡利多品箭削毛經第六

第五後誦

我聞如是一時佛遊王舍城在竹林加蘭陀園與大比丘眾俱千二百五十人而受夏坐。尔時世尊過夜平旦著衣持鉢入王舍城而行乞食行乞食已收舉衣鉢澡洗手。足以左師壇著於肩上往至孔雀林異學園。中尔時孔雀林異學園中有一異學名曰箭削毛名德宗主眾人所師有大名譽眾所敬重領大徒眾五百異學之所尊也。彼在大眾喧鬧燒亂放高大音聲說種種畜生之論謂論主論賊





論鬪論食論衣服論婦人論童女論姪女論  
世間論空野論海中論國人民彼共集坐論  
如是比畜生之論異學箭毛遙見佛來勅已  
衆曰汝等默然住彼沙門瞿曇來彼衆默然  
常樂默然稱說默然彼若見此衆默然者或  
來相見異學箭毛令衆默然已自默然住世  
尊往詣異學箭毛所異學箭毛即從座起偏  
袒著衣叉手向佛白曰善來沙門瞿曇沙門  
瞿曇久不來此願坐此座世尊便坐異學箭  
毛所敷之座異學箭毛則與世尊共相問訊  
却坐一面世尊問曰優陀夷向論何等以何  
事故共集坐此異學箭毛荅曰瞿曇且置此



論此論非妙沙門瞿曇欲聞此論後聞不難  
世尊如是再三問曰優陀夷向論何等以何  
事故共集坐此異學箭毛亦再三答曰瞿曇  
且置此論此論非妙沙門瞿曇欲聞此論後  
聞不難沙門瞿曇若至再三其欲聞者今當  
說之瞿曇我等與拘薩羅國衆多梵志悉共  
集坐拘薩羅學堂說如是論鴛伽摩竭提國  
人有大善利鴛伽摩竭提國人得大善利如  
此大福田衆在王舍城共受夏坐謂富蘭迦  
葉所以者何瞿曇富蘭迦葉名德宗主衆人  
所師有大名譽衆所敬重領大徒衆五百異  
學之所尊也於此王舍城共受夏坐如是摩

息迦利瞿舍利子娑若鞞羅遲子左捷親子  
波復迦梅阿夷多雞舍劔婆利瞿曇阿夷多  
雞舍劔婆利名德宗主衆人所師有大名譽  
衆所敬重領大徒衆五百異學之所尊也於  
此王舍城共受夏坐向者亦論沙門瞿曇此  
沙門瞿曇名德宗主衆人所師有大名譽衆  
所敬重領大比丘衆千二百五十人之所尊  
也亦在此王舍城共受夏坐瞿曇我等復作  
是念今此諸尊沙門梵志誰爲弟子所恭敬  
尊重供養奉事耶非爲弟子法罵所罵亦無  
弟子難師此一向不可不相應不等說已便  
捨而去瞿曇我等復作是念此富蘭迦葉不



爲弟子所恭敬尊重供養奉事爲弟子法罵  
所罵衆多弟子難師此不可此不相應此不  
等說已便捨而去瞿曇昔時富蘭迦葉數在  
弟子衆舉手大喚汝等可住無有人來問汝  
等事人問我事汝等不能斷此事我能斷此  
事而弟子於其中間更論餘事不待師說事  
訖瞿曇我等復作是念如是此富蘭迦葉不  
爲弟子所恭敬尊重供養奉事爲弟子法罵  
所罵衆多弟子難師此不可此不相應此不  
等說已便捨而去如是摩息加利瞿舍利子  
娑若鞞羅遲子尼捷親子波復加梅阿夷多  
雞舍劔婆利不爲弟子所恭敬尊重供養奉

事爲弟子法罵所罵衆多弟子難師此不可  
此不相應此不等說已便捨而去瞿曇昔時  
阿夷多雞舍劍婆利數在弟子衆舉手大喚  
汝等可住無有人來問汝等事人問我事汝  
等不能斷此事我能斷此事而弟子於其中  
間更論餘事不待師說事訖瞿曇我等復作  
是念如是此阿夷多雞舍劍婆利不爲弟子  
所恭敬尊重供養奉事爲弟子法罵所罵衆  
多弟子難師此不可此不相應此不等說已  
便捨而去瞿曇我等復作是念此沙門瞿曇  
爲弟子所恭敬尊重供養奉事不爲弟子法  
罵所罵亦無弟子難師此不可此不相應此



不等說已便捨而去瞿曇昔時沙門瞿曇數  
在大衆無量百千衆圍遶說法於中有一人  
鼾眠作聲又有一人語彼人曰莫鼾眠作聲  
汝不欲聞世尊說微妙法如甘露耶彼人即  
便默然無聲瞿曇我等復作是念如是此沙  
門瞿曇爲弟子所恭敬尊重供養奉事不爲  
弟子法罵所罵亦無弟子難師此不可此不  
相應此不等說已便捨而去世尊聞已問異  
學箭毛曰優陀夷汝見我有幾法令諸弟子  
恭敬尊重供養奉事我常隨不離耶異學箭  
毛荅曰瞿曇我見瞿曇有五法令諸弟子恭  
敬尊重供養奉事常隨不離云何爲五沙門

瞿曇鹿衣知足稱說鹿衣知足若沙門瞿曇  
鹿衣知足稱說鹿衣知足者是謂我見沙門  
瞿曇有第一法令諸弟子恭敬尊重供養奉  
事常隨不離復次沙門瞿曇鹿食知足稱說  
鹿食知足若沙門瞿曇鹿食知足稱說鹿食  
知足者是謂我見沙門瞿曇有第二法令諸

弟子恭敬尊重供養奉事常隨不離復次沙  
門瞿曇少食稱說少食若沙門瞿曇少食稱  
說少食者是謂我見沙門瞿曇有第三法令  
諸弟子恭敬尊重供養奉事常隨不離復次  
沙門瞿曇鹿住止牀座知足稱說鹿住止牀  
座知足若沙門瞿曇鹿住止牀座知足稱說



鹿住止牀座知足者是謂我見沙門瞿曇有  
第四法令諸弟子恭敬尊重供養奉事常隨  
不離復次沙門瞿曇宴坐稱說宴坐若沙門  
瞿曇宴坐稱說宴坐者是謂我見沙門瞿曇  
有第五法令諸弟子恭敬尊重供養奉事常  
隨不離是謂我見沙門瞿曇有五法令諸弟  
子恭敬尊重供養奉事常隨不離世尊告曰  
優陁夷我不以此五法令諸弟子恭敬尊重  
供養奉事我常隨不離優陁夷我所持衣隨  
聖力割截染汙惡色如是聖衣染汙惡色優  
陁夷或我弟子謂盡形壽衣所棄捨糞掃之  
衣亦作是說我世尊鹿衣知足稱說鹿衣知

足優陋夷若我弟子因麤衣知足故稱說我  
者彼因此處故不恭敬尊重供養奉事我亦  
不相隨復次優陋夷我食粳糧成熟無麩無  
量雜味優陋夷或我弟子盡其形壽而行乞  
食所棄捨食亦作是說我世尊麤食知足稱  
說麤食知足優陋夷若我弟子因麤食知足  
故稱說我者彼因此處故不恭敬尊重供養  
奉事我亦不相隨復次優陋夷我食如一鞞  
羅食或如半鞞羅優陋夷我弟子食如一拘  
施或如半拘施亦作是說我世尊少食稱說  
少食優陋夷若我弟子因少食故稱說我者  
彼因此處故不恭敬尊重供養奉事我亦不



相隨復次優陀夷我或住高樓或住棚閣優  
陀夷或我弟子隨彼過九月十月一夜於露  
處宿亦作是說我世尊處住止牀座知足稱  
說住止牀座知足優陀夷若我弟子因處住  
止牀座知足故稱說我者彼因此處故不恭  
敬尊重供養奉事我亦不相隨復次優陀夷  
我常作闍比丘比丘尼優婆塞優婆夷或我  
弟子過半月一入衆爲法清淨故亦作是說  
我世尊宴坐稱說宴坐優陀夷若我弟子因  
宴坐故稱說我者彼因此處故不恭敬尊重  
供養奉事我亦不相隨優陀夷我無此五法  
令諸弟子恭敬尊重供養奉事我常隨不離

優陀夷復更有五法令諸弟子恭敬尊重供  
養奉事我常隨不離云何爲五優陀夷我有  
弟子謂無上戒稱說我世尊行戒大戒如所  
說所作亦然如所作所說亦然優陀夷若我  
弟子因無上戒稱說我者彼因此處恭敬尊  
重供養奉事我常隨不離復次優陀夷我有  
弟子謂無上智慧稱說我世尊行智慧極大  
智慧若有談論來相對者必能伏之謂於正  
法律不可說於自所說不可得說優陀夷若  
我弟子因無上智慧故稱說我者彼因此處  
恭敬尊重供養奉事我常隨不離復次優陀  
夷我有弟子謂無上知見稱說我世尊遍知



非不知遍見非不見彼爲弟子說法有因非  
無因有緣非無緣可答非不可答有離非無  
離優劣夷若我弟子因無上知見故稱說我  
者彼因此處恭敬尊重供養奉事我常隨不  
離復次優劣夷我有弟子謂猷愛箭而來問  
我苦是苦習是習滅是滅道是道我即答彼

苦是苦習是習滅是滅道是道優劣夷若我  
弟子而來問我我答可意令歡喜者彼因此  
處恭敬尊重供養奉事我常隨不離復次優  
劣夷我爲弟子或說宿命智通作證明達或  
說漏盡智通作證明達優劣夷若我弟子於  
此正法律中得受得度得至彼岸無疑無惑

於善法中無有猶豫者彼因此處恭敬尊重  
供養奉事我常隨不離優陁夷是謂我更  
有五法令諸弟子恭敬尊重供養奉事我常隨  
不離於是異學箭毛即從座起偏袒著衣叉  
手向佛白曰瞿曇甚奇甚特善說妙事潤澤  
我體猶如甘露瞿曇猶如大雨此地高下普  
得潤澤如是沙門瞿曇為我等善說妙事潤  
澤我體猶如甘露世尊我已解善逝我已知  
世尊我今日自歸於佛法及比丘眾唯願世  
尊受我為優婆塞從今日始終身自歸乃至  
命盡佛說如是異學箭毛聞佛所說歡喜奉行  
箭毛經第六竟



中阿含晡利多品箭前毛經第七

第五後誦

我聞如是一時佛遊王舍城在竹林迦蘭哆  
園介時世尊過夜平旦著衣持鉢入王舍城  
而行乞食行乞食已收舉衣鉢澡洗手足以  
足師壇著於肩上往至孔雀林異學園中介  
時孔雀林異學園中有一異學名曰箭前毛名  
德宗主衆人所師有大名譽衆所敬重領大  
徒衆五百異學之所尊也彼在大衆喧鬧嬉  
亂放高大音聲說種種畜生之論謂論王論  
賊論鬪論食論衣服論婦人論童女論姪女  
論世間論空野論海中論國人民彼共集坐  
說如是比畜生之論異學箭前毛遙見佛來勅

已衆曰汝等默然住彼沙門瞿曇來彼衆默然常樂默然稱說默然彼若見此衆默然者或來相見異學箭毛命衆默然已自默然住世尊往詣異學箭毛所異學箭毛即從座起偏袒著衣叉手向佛白曰善來沙門瞿曇沙門瞿曇久不來此願坐此座世尊便坐異學箭毛所敷之座異學箭毛便與世尊共相問評却坐一面世尊問曰優陁夷向論何等以何事故共集坐此異學箭毛答曰瞿曇且置此論此論非妙沙門瞿曇欲聞此論後聞不難世尊如是再三問曰優陁夷向論何等以何事故共集坐此異學箭毛亦再三答曰瞿



曇且置此論此論非妙沙門瞿曇欲聞此論  
後聞不難沙門瞿曇若至再三其欲聞者今  
當說之瞿曇我有策慮有思惟住策慮地住  
思惟地有智慧有辯才有說實有薩云然一  
切知一切見無餘知無餘見我往問事然彼  
不知瞿曇我作是念此是何等耶世尊問曰  
優陀夷汝有策慮有思惟住策慮地住思惟  
地有智慧有辯才誰說實有薩云然一切知  
一切見無餘知無餘見汝往問事而彼不知  
耶異學箭箭毛荅曰瞿曇謂富蘭迦葉是所以  
者何瞿曇富蘭迦葉自說實有薩云然一切  
知一切見無餘知無餘見也我有策慮有思

惟住策慮地住思惟地有智慧有辯才我往  
問事然彼不知瞿曇是故我作是念此是何  
等耶如是摩息迦利瞿舍利子娑若鞞羅遲  
子尼捷親子波復迦旃阿夷多難舍劍婆利  
瞿曇阿夷多難舍劍婆利自說實有薩云然  
一切知一切見無餘知無餘見也我有策慮  
有思惟住策慮地住思惟地有智慧有辯才  
我往問事然彼不知瞿曇是故我作是念此  
是何等耶瞿曇我復作是念若我當往詣沙  
門瞿曇所問過去事者沙門瞿曇必能答我  
過去事也我當往詣沙門瞿曇所問未來事  
者沙門瞿曇必能答我未來事也復次若我



隨所問沙門瞿曇事者沙門瞿曇必亦答我  
隨所問事世尊告曰優陀夷止止汝長夜異  
見異忍異樂異欲異意故不得盡知我所說  
義優陀夷我有弟子有因有緣憶無量過去  
本昔所生謂一生二生百生千生成劫敗劫  
無量成敗劫衆生名某我曾生彼如是姓如  
是字如是生如是飲食如是受苦樂如是長  
壽如是久住如是壽訖此死生彼彼死生此  
我生在此如是姓如是字如是生如是飲食  
如是受苦樂如是長壽如是久住如是壽訖  
彼來問我過去事我答彼過去事我亦往問  
彼過去事彼亦答我過去事我隨所問彼事

彼亦答我隨所問事復次優陀夷我有弟子  
謂清淨天眼出過於人見此衆生死時生時  
好色惡色妙與不妙往來善處及不善處隨  
此衆生之所作業見其如真若此衆生成就  
身惡行成就口意惡行誣謗聖人邪見成就  
邪見業彼因緣此身壞命終必至惡處生地  
獄中若此衆生成就身妙行成就口意妙行  
不誣謗聖人正見成就正見業彼因緣此身  
壞命終必昇善處得生天中彼來問我未來  
事我答彼未來事我亦往問彼未來事彼亦  
答我未來事我隨所問彼事彼亦答我隨所  
問事異學箭毛白曰瞿曇若如是者我轉不



知我轉不見轉癡墮癡謂沙門瞿曇如是說優  
陁夷止止汝長夜異見異忍異樂異欲異意  
故不得盡知我所說義優陁夷我有弟子有  
因有緣憶無量過去本昔所生謂一生二生  
百生千生成劫敗劫無量成敗劫衆生名某  
我曾生彼如是姓如是字如是生如是飲食  
如是受苦樂如是長壽如是久住如是壽訖  
此死生彼彼死生此我生在此如是姓如是  
字如是生如是飲食如是受苦樂如是長壽  
如是久住如是壽訖彼來問我過去事我答  
彼過去事我亦往問彼過去事彼亦答我過  
去事我隨所問彼事彼亦答我隨所問事復

次優陁夷我有弟子謂清淨天眼出過於人見此衆生死時生時好色惡色妙與不妙往來善處及不善處隨此衆生之所作業見其如真若此衆生成就身惡行成就口意惡行誣謗聖人邪見成就邪見業彼因緣此身壞命終必至惡處生地獄中若此衆生成就身妙行成就口意妙行不誣謗聖人正見成就正見業彼因緣此身壞命終必昇善處得生天中彼來問我未來事我答彼未來事我亦往問彼未來事彼亦答我未來事我隨所問彼事彼亦答我隨所問事瞿曇我於此生作本所作得本所得尚不能憶況復能憶有因



有緣無量本昔所生事耶瞿曇我尚不能見  
飄風鬼况復清淨天眼出過於人見此衆生  
死時生時善色惡色妙與不妙趣至善處及  
不善處隨此衆生之所作業見其如真耶瞿  
曇我作是念若沙門瞿曇問我從師學法者  
儻能答彼今可意也世尊問曰優陁夷汝從  
師學其法云何異學箭毛荅曰瞿曇彼說色  
過於色彼色最勝彼色最上世尊問曰優陁  
夷何等色耶異學箭毛荅曰瞿曇若色更無  
有色最上最妙爲最勝也彼色最勝彼色最  
上世尊告曰優陁夷猶如有人作如是說若  
此國中有女最妙我欲得彼彼若有人如是

問者君知國中有女最妙如是姓如是名如是生耶爲長短麗細爲白黑爲不白不黑爲利利女爲梵志居士工師女爲東方南方西方北方耶彼人荅曰我不知也復問彼人君不知不見國中有女最妙如是姓如是名如是生長短麗細白黑不白不黑利利女梵志居士工師女東方南方西方北方者而作是說我欲得彼女耶如是優陀夷汝作是說彼說色過於色彼色最勝彼色最上問汝彼色然不知也異學箭毛白曰瞿曇猶如紫磨極妙金精金師善磨瑩治令淨藉以白練安著日中其色極妙光明照曜如是瞿曇我說彼



色過於色彼色最勝彼色最上世尊告曰優  
陀夷我今問汝隨所解答優陀夷於意云何  
謂紫磨金精藉以白練安著日中其色極妙  
光明照曜及螢火蟲在夜闇中光明照曜於  
中光明何者最上為最勝耶異學箭毛荅曰  
瞿曇螢火光明於紫磨金精光明最上為最  
勝也世尊問曰優陀夷於意云何謂螢火蟲  
在夜闇中光明照曜及然油燈在夜闇中光  
明照曜於中光明何者最上為最勝耶異學  
箭毛荅曰瞿曇然燈光明於螢火蟲光明最  
上為最勝也世尊問曰優陀夷於意云何謂  
然油燈在夜闇中光明照曜及然大木積火

在夜闇中光明照曜於中光明何者最上為  
最勝耶異學箭毛荅曰瞿曇然大木積火之  
光明於然油燈光明最上為最勝也世尊問  
曰優陁夷於意云何謂然大木積火在夜闇  
中光明照曜及太白星平旦無暄光明照曜  
於中光明何者最上為最勝耶異學箭毛荅  
曰瞿曇太白星光於然大木積火光最上為  
最勝也世尊問曰優陁夷於意云何謂太白  
星平旦無暄光明照曜及月殿光夜半無暄  
光明照曜於中光明何者最上為最勝耶異  
學箭毛荅曰瞿曇月殿光明於太白星光最  
上為最勝也世尊問曰優陁夷於意云何謂



月殿光夜半無暄光明照曜及日殿光秋時  
向中天淨無暄光明照曜於中光明何者最  
上爲最勝耶異學箭毛荅曰瞿曇曰殿光明  
於月殿光最上爲最勝也世尊告曰優陀夷  
多有諸天今此日月雖有大如意足有大威  
德有大福祐有大威神然其光明故不及諸  
天光明也我昔曾與諸天共集共彼論事我  
之所說可彼天意然我不作是說彼色過於  
色彼色最勝彼色最上優陀夷而汝於螢火  
蟲光色最弊最醜說彼色過於色彼色最勝  
彼色最上問已不知異學箭毛白曰世尊悔  
過此說善逝悔過此說世尊問曰優陀夷汝

何意如是說世尊悔過此說善逝悔過此說  
耶異學箭毛荅曰瞿曇我作是說彼色過於  
色彼色最勝彼色最上沙門瞿曇今善檢我  
善教善訶令我虛妄無所有也瞿曇是故我  
如是說世尊悔過此說善逝悔過此說異學  
箭毛語曰瞿曇後世一向樂有一道跡一向  
作世證世尊問曰優陀夷云何後世一向樂  
云何有一道跡一向作世證耶異學箭毛荅  
曰瞿曇或有一離殺斷殺不與取邪淫妄言  
乃至離邪見得正見瞿曇是謂後世一向樂  
是謂有一道跡一向作世證世尊告曰優陀  
夷我今問汝隨所解荅優陀夷於意云何若



有一離殺斷殺彼爲一向樂爲雜苦耶異學  
箭毛荅曰瞿曇是雜苦也若有一離不與取  
邪婬妄言乃至離邪見得正見彼爲一向樂  
爲雜苦耶異學箭毛荅曰瞿曇是雜苦也世  
尊問曰優陀夷非爲如是雜苦樂道跡作世  
證耶異學箭毛荅曰瞿曇如是雜苦樂道跡  
作世證也異學箭毛白曰世尊悔過此說善  
逝悔過此說世尊問曰優陀夷汝何意故作  
如是說世尊悔過此說善逝悔過此說耶異  
學箭毛荅曰瞿曇我向者說後世一向樂有  
一道跡一向作世證沙門瞿曇今善檢我善  
教善訶令我虛妄無所有也瞿曇是故我如

是說世尊悔過此說善逝悔過此說世尊告  
曰優陀夷世有一向樂有一道跡一向作世  
證也異學箭毛問曰瞿曇云何世一向樂云  
何一道跡一向作世證耶世尊荅曰優陀夷  
若時如來出世無所著等正覺明行成爲善  
逝世間解無上士道法御天人師号佛衆祐  
彼斷乃至五盖心穢慧羸離欲惡不善之法  
有覺有觀離生喜樂得初禪成就遊不共彼  
天戒等心等見等也彼覺觀已息內靜一心  
無覺無觀定生喜樂得第二禪成就遊不共  
彼天戒等心等見等也彼離於喜欲捨無求  
遊正念正智而身覺樂謂聖所說聖所捨念



樂住空得第三禪成就遊不共彼天戒等心  
等見等也優陀夷是謂世一向樂異學箭  
毛問曰瞿曇世中一向樂唯極是耶世尊答  
曰世中一向樂不但極是也優陀夷更有一  
道跡一向作世證異學箭毛問曰瞿曇云何  
是更有一道跡一向作世證耶世尊答曰優  
陀夷比丘離欲離惡不善之法有覺有觀離  
生喜樂得初禪成就遊得共彼天戒等心等  
見等也彼覺觀已息內靜一心無覺無觀定  
生樂喜得第二禪成就遊得共彼天戒等心  
等見等也彼離於喜欲捨無求遊正念正智  
而身覺樂謂聖所說聖所捨念樂住空得第

三禪成就遊得共彼天戒等心等見等也優  
隨夷是謂一道跡一向作世證異學箭毛問  
曰瞿曇沙門瞿曇弟子爲此世一向樂故一  
道跡一向作世證故從沙門瞿曇學梵行耶  
世尊荅曰優隨夷我弟子不爲世一向樂故  
亦不爲一道跡一向作世證故從我學梵行  
也優隨夷更有最上最妙最勝爲作證故我  
弟子從我學梵行也於是彼大衆放高大音  
聲彼是最上最妙最勝爲作證故沙門瞿曇  
弟子從沙門瞿曇學梵行也於是異學箭毛  
勅已衆今默然已白曰瞿曇云何最上最妙  
最勝爲作證故沙門瞿曇弟子從沙門瞿曇



學梵行耶世尊答曰優陀夷比丘者樂滅苦  
滅喜憂本已滅不苦不樂捨念清淨得第四  
禪成就遊優陀夷是謂最上最妙最勝爲作  
證故我弟子從我學梵行也於是異學箭毛  
即從座起欲稽首佛足於是異學箭毛諸弟  
子異學梵行者白異學箭毛曰尊今應作師  
時欲爲沙門瞿曇作弟子耶尊不應作師時  
爲沙門瞿曇作弟子也是爲異學箭毛諸弟  
子學梵行者爲異學箭毛而作障礙謂從世  
尊學梵行也佛說如是異學箭毛聞佛所說  
歡喜奉行

箭毛經第七竟

中阿含晡利多品鞞摩那修經第八

第五  
後誦

我聞如是一時佛遊舍衛國在勝林給孤獨園  
爾時異學鞞摩那修中後彷徨往詣佛所  
相問訊已問曰瞿曇最色最最色瞿曇最色  
世尊問曰迦旃何等色耶異學鞞摩那修荅  
曰瞿曇若色更無有色最上最妙最勝瞿曇  
彼色最勝彼色最上世尊告曰迦旃猶如有  
人作如是說若此國中有女最妙我欲得彼  
彼若有人如是問者君知國中有女最妙如  
是姓如是名如是生耶爲長短麤細爲白黑  
爲不白不黑爲刹利女爲梵志居士工師女  
爲東方南方西方北方耶彼人荅曰我不知



也復問彼人君不知不見國中有女最妙如是姓如是名如是生長短麁細白黑不白不黑刹利女梵志居士工師女東方南方西方北方者而作是說我欲得彼女耶如是迦旃洑作是說彼妙色最妙色彼色最勝彼色最上問洑彼色然不知也異學鞞摩那修白曰瞿曇猶如紫磨極妙金精金師善磨瑩治令淨藉以白練安著日中其色極妙光明照曜如是瞿曇我說彼妙色最妙色彼色最勝彼色最上世尊告曰迦旃我今問汝隨所解答迦旃於意云何謂紫磨金淨藉以白練安著日中其色極妙光明照曜及螢火蟲在夜闇

中光明照耀於中光明何者最上為最勝耶  
異學鞞摩那修荅曰瞿曇螢火光明於紫磨  
金精光明最上為最勝也世尊問曰迦旃於  
意云何謂螢火蟲在夜闇中光明照耀及然  
油燈在夜闇中光明照耀於中光明何者最  
上為最勝耶異學鞞摩那修荅曰瞿曇然燈  
光明於螢火蟲光明最上為最勝也世尊問  
曰迦旃於意云何謂然油燈在夜闇中光明  
照耀及然大木積火在夜闇中光明照耀於  
中光明何者最上為最勝耶異學鞞摩那修  
荅曰瞿曇然大木積火之光明於然油燈光  
明最上為最勝也世尊問曰迦旃於意云何



謂然大木積火在夜闇中光明照曜及太白  
星平旦無暄光明照曜於中光明何者最上  
爲最勝耶異學鞞摩那修荅曰瞿曇太白星  
光於然大木積火光最上爲最勝也世尊問  
曰迦梅於意云何謂太白星平旦無暄光明  
照曜及月殿光夜半無暄光明照曜於中光  
明何者最上爲最勝耶異學鞞摩那修荅曰  
瞿曇月殿光明於太白星光最上爲最勝也  
世尊問曰迦梅於意云何謂月殿光夜半無  
暄光明照曜及日殿光秋時向中天淨無暄  
光明照曜於中光明何者最上爲最勝耶異  
學鞞摩那修荅曰瞿曇日殿光明於月殿光

最上爲最勝也。世尊告曰：迦梅多有諸天，今此日月雖有大如意，足有大威德，有大福祐，有大威神，然其光明故不及諸天光明也。我昔曾與諸天共集，共彼論事，我之所說可彼天意，然我不作是說。彼妙色最妙色，彼色最勝彼色最上，勝彼色最上，迦旃而汝於螢火蟲光色最弊最醜，說彼妙色最妙色，彼色最勝彼色最上。問已不知，於是異學鞞摩那修爲世尊面訶責已，內懷憂感，低頭默然，失辯無言。如有所伺，於是世尊面訶責已，復欲令歡喜，告曰：迦梅有五欲功德，可喜、意、念、愛、欲，相應樂眼、知、色、耳、知、聲、鼻、知、香、舌、知、味、身、知、觸、迦、梅、色、或



有愛者或不愛者若有一人彼於此色可意  
稱意樂意足意滿願意彼於餘色雖最上最  
勝而不欲不思不願不求彼於此色最勝最  
上迦旃如是聲香味迦旃觸或有愛者或不  
愛者若有一人彼於此觸可意稱意樂意足  
意滿願意彼於餘觸雖最上最勝而不欲不  
思不願不求彼於此觸最勝最上於是異學  
鞞摩那修叉手向佛白曰瞿曇甚奇甚特沙  
門瞿曇爲我無量方便說欲樂欲樂第一瞿  
曇猶如因草火然木火因木火然草火如是  
沙門瞿曇爲我無量方便說欲樂欲樂第一  
世尊告曰止止迦旃汝長夜異見異忍異樂

異欲異意故不得盡知我所說義迦梅謂我  
弟子初夜後夜常不眠卧正定正意修習道  
品生已盡梵行已立所作已辦不更受有知  
如真彼盡知我所說於是異學鞞摩那修向  
佛瞋恚生憎嫉不可欲誣謗世尊欲墮世尊  
如是誣謗世尊如是墮世尊語曰瞿曇有沙  
門梵志不知世前際不知世後際不知無窮  
生死而記說得究竟智生已盡梵行已立所  
作已辦不更受有知如真瞿曇我如是念云  
何此沙門梵志不知世前際亦不知世後際  
不知無窮生死而記說得究竟智生已盡梵  
行已立所作已辦不更受有知如真耶於是



世尊便作是念此異學鞞摩那修向我瞋恚  
生憎嫉不可欲誣謗我欲墮於我如是誣謗  
我如是墮我而語我曰瞿曇有一沙門梵志  
不知世前際不知世後際不知無窮生死而  
記說得究竟智生已盡梵行已立所作已辦  
不更受有知如真瞿曇我作是念云何此沙  
門梵志不知世前際不知世後際不知無窮  
生死而記說得究竟智生已盡梵行已立所  
作已辦不更受有知如真耶世尊知已告曰  
迦梅若有沙門梵志不知世前際不知世後  
際不知無窮生死而記說得究竟智生已盡  
梵行已立所作已辦不更受有知如真者彼

應如是說置世前際置世後際迦梅我如是  
說置世前際置世後際設不憶一生我弟子  
比丘來不諛諂無欺誑質直我教化之若隨  
我教化如是行者必得知正法迦梅猶如嚶  
孩童子少年柔輒仰向卧父母縛彼手足彼  
於後轉大諸根成就父母解彼手足彼唯憶  
解時不憶縛時也如是迦梅我如是說置世  
前際置世後際設令不憶一生我弟子比丘  
來不諛諂不欺誑質直我教化之若隨我教  
化如是行者必得知正法迦梅譬若因油因  
炷而然燈也無人益油亦不易炷者前油已  
盡後不更益無所受已自速滅也如是迦梅



我如是說置世前際置世後際設令不憶一  
生我弟子比丘來不諛諂不欺誑質直我教  
化之若隨我教化如是行者必得知正法迦  
旃猶如十木聚二十三十四十五十六十木  
聚以火燒之炯然俱熾遂見火焰彼無有人  
更益草木糠糞掃者前薪已盡後不更益無  
所受已自速滅也如是迦旃我如是說置世  
前際置世後際設令不憶一生我弟子比丘  
來不諛諂不欺誑質直我教化之若隨我教  
化如是行者必得知正法說此法時異學鞞  
摩那修遠塵離垢諸法法眼生於是異學鞞  
摩那修見法得法覺白淨法更無餘尊不復

由他斷疑度惑無有猶豫已住果證於世尊  
法得無所畏瞽首佛足白曰世尊願得從佛  
出家學道受具足得比丘行梵行世尊告曰  
善來比丘行梵行也異學從佛得出家學道  
即受具足得比丘行梵行尊者鞞摩那修出  
家學道受具足已知法見法乃至得阿羅漢  
佛說如是尊者鞞摩那修及諸比丘聞佛所  
說歡喜奉行

鞞摩那修經第八竟

中阿含經卷第五十七

第五後誦

似

娑若

下而反 𦉳 音汗睡聲也

麴

俱猛反

棚閣

上步反一音



朋 策 慮 上楚責反 云 然 或云蔭婆若 飄 死苗

次 藉 反才夜 藉 草子智反 瞠 一計反 諭 反上風

也 俞 正 炷 燈 注 糠 米 設 也 反 陰 一計反 音 上



